

道光
晉江縣志

第十二册

卷之卅五至

卷之卅六

晉江縣志卷之三十五

政績志 文秩之二

宋

通判

林孝淵字全一莆田人崇寧五年進士歷建州通判改泉州時亂卒肆橫孝淵至遂為帖息提舉市舶接收舶貨，
吏循例取腦一匣以納孝淵厲聲曰公則官物私則商貨河例之有斥反舶 即邦建薦于朝曰材術疏通吏事詳練協贊郡治綏靖逸民千里帖然內外安堵人以

為實錄舊志

韓習字勝非穎昌人億

元孫也紹興間通判泉州攝郡

事會審院調禁卒化戍卒憚逃涉既出城欲倒戈為亂

時劉寔提偏師赴臨漳捕茶寇習知其謀密以告實假

劉兵百餘設伏以俟其變亂卒甫入譙門伏兵四起卒

就擒戮其渠魁復遣往戍一郡以寧秩滿寓居于泉舊志

陳大亨字文通仙遊人紹興三十年進士陸興中通判泉

州居家清勁歷五任貧無居屋寄寓僧舍舊志

孫叔謹字信之龍溪人嘉定廿一年進士為泉州通判訟

牘剖決如流去重征恤民困丁艱歸

閩書

方仲字澄孫莆田人淳祐年進士由國子監出為泉

州通判攝郡守篆兼司舶剔除蠹弊點籍舞文之吏不

得逞終秘書丞所著有通鑑表微洞齋集

閩書

吳棫字才老建安人舉進士紹興間任泉州通判剛直有

謀明恕能斷悍卒謀亂一郡洵棫命戮數人談笑定

之所著有書禪傳詩補音論語指掌考異續解楚辭釋

音韻補又作字學補韻朱文公據以叶三百篇

節閩書

戴溪字肖望永嘉人慶元中判泉州有能聲與太守信安

劉穎撰清源志七卷歷官太子詹事立朝雖乏骨鯁而

為人純明平易

周書

朱在字叔敬建陽人文公第三子以蔭補官嘉定間通判

泉州為政一以父為法歷南康軍奉祠起知信州人對

以進學問振紀綱求放心為言累遷工部侍郎奏請曾

子參並封公爵楊雄王雱應去其像程灝程頤張載從

祀廟廷歷煥章閣待制

周書

游酢字定夫建陽人元豐進士慶元中由博士僉書泉州

判官以道學淑士心以公勤治吏事時方修祠館編民

困於征調所至騷然醉處之裕如民不勞而事集擢監

察御史

舊志

傅知柔仙遊人宣和進士知龍巖縣素有威名調泉州僉

判帥臣檄捕海寇知柔出幟以示寇即降終朝請郎

舊志

黃公度字師憲莆田人紹興八年進士第一任平海軍節

度判官兼南外宗正簿有流民數百輩自汀虔下至泉
守將疑而繫之公度力為辨解得縱去代還除秘書省

正字

舊志

方阜鳴字子然莆田人嘉定初任泉州僉判時真德秀為

守卓鳴嘗謂滅門刺史破家縣令此衰世事古人惟曰
豈弟君子民之父母而已德秀學節歎賞在官清儉秋
亮不苟取每以其任晚用小為恨

舊志

胡大正字伯誠崇安人以季父宣補官開禧中僉判泉州
會劇賊號過海龍羅動天者逼清漳勢甚急泉興為鄰
城門盡閉忽近郊有荷斧者數十人其捕以聞同幕請
肆諸城下大正不肯書脂訖之果採樵者皆釋之郡為
番商之會每舶至檢視者得利不貲大正秋毫無所取

舊志

張聞字大猷永嘉人紹興中通判泉州軍州事靖康中知
泉州有治聲累官工部尚書贈端明殿學士諡忠簡同書
元

監軍

僕玉立字世玉畏吾人至正中監泉州時諸路兵亂玉立
築城浚河為捍禦計興學校修橋梁賑貧乏舉廢墜考
求圖志搜訪舊聞聘三山吳鑒成清源續志二十卷郡
人蔡元年十四有神童稱玉立優禮之驛置京師朝授
編修郡人皆勸于文學士民立祠祀之舊志卷三

明

同知

董儀字尚質滁州人洪武中任泉州同知涖官愛民禮賢
下士郡稱賢佐卒於官貧不能歸櫬士民共葬于獄祠
之東舊志

孔惠字廷順奉新人天順間任泉州府同知律已以廉存
心以公涖政以勤撫民以恕莫敢以私干者尤其肆應
之才使節絡繹庶務叢集區畫整然有條不紊成化丙
戌循例入覲舟車道里之費毫不取民臨行送者千數

百人

節
學稿

高祐字天錫上海人成化間以鄉貢士授泉州同知用德義訓誨梗化之民凶歲貸民粟山鄉遠者召良善人總授而分給之嘗道漳州宿山間有負豪家債而憤其逼者聚千人期旦日殺豪豪亦召為敵祐知之俾館人往諭片言而散一日令所部市茶其人密置銀二錠以進祐笑卻之不艱歸部民爭携金錢醜瞽皆不受厯廣平東昌二府上海人論其鄉士大夫有三婦之喻獨目祐為節婦云

問
書

羅德桐廬人宏治三年以舉人任泉州同知與守李哲同
時事無巨細協謀可否惟恐公家之需或缺閭閻之情
有所不堪張襄惠論泉貳守稱五六十年間耳目所聞

見僅得兩人德與李緝也

閩書

麥瑩順德人由舉人正德九年任泉州府同知兼署府事

中正公明寬嚴互濟初蒞政若素習跡者就理馳者悉

張政聲大著當事常檄以攝鄰郡俱有惠政素工詩為

嶺南之冠云

江蘇集

李緝字繼明號春江餘干人宏治辛酉舉人正德十二年

自濮州知州任泉州同知仁恕果決以伸釋枉滯與民
省事為先詳練世故人不能欺民抱贖赴大司輒號云
必下吾李二府非李二府不如還民牘也屬邑同安多
豪猾健鬥喜訟前後令莫制會令缺檄緝往署豪動色
相戒竟任無犯興化守貳皆缺檄視篆三閱月士民交
頌尚書林見素為不素食詩以美之嘗歎戎伍句補之
樊曰古者罪人不孥今法非古也獨子畸戶至今數千
里遠征有司苟逭罪責耳矣如吾民何況今天下兵弛
民困養兵之費既竭民膏血贍之復驅彫瘵之民充無

益之數吾勢與位不能及遠泉吾赤子也敢慢視哉佐
郡及一年四方戎衛之符至辨真偽量遠近審夫家象
寡蘇瘁之數以權其當行與否苟可不行悉留不遣民
賴以全室家者甚眾陞魯府長史泉人請張岳為四言

詩一章紀其政績磐石立萬安橋側

閩書泰小
山類稿

尹嵩號良齋東莞舉人嘉靖十四年由餘杭令陞泉州府
同視古而蒼禮奉而懇言約而詎士民鮮見其疾言遽
色其為政直而不阿清而不激勤而不怨冰蘖自持
三載如一委署漳州郡守數月政成民用安樂上官特

疏薦之

節顧新
山文集

胡文宗字在魯廬陵人嘉靖二十四年以鄉薦同知泉州

博學工文為政明敏迥越時流凡郡務艱遽與疑獄不

決者屬之立剖性恬淡不競勢利操履古樸攝同安縣

事人有甘棠之思先判廬州喪偶不置媵侍止一僕與

俱奉身之物雖寒士不能堪而處之裕如嘗為詩曰一

力自隨官舍足獨衾無愧夢魂清泉人士有三不要之

謠謂財色官也秩滿歸里不復出項高稱其寵辱不驚

篤學自信非俗吏所能伍

舊志參閱
書同安志

丁一中丹陽人以戶部郎謫延平倅隆慶元年陞泉州府同知一中少受學于唐順之有文名來郡以文學飾治時引諸生講業性耿直不阿上官時朱炳如為守一中佐之政簡年豐公暇相與登眺吟咏境內名山一中題鐫幾遍焉字畫道樸有法人多藏之舊志

陸一鳳字子韶常熟人由進士萬曆二年任泉州府同知有文學無俗吏氣嘗奉檄偕諸將討海酋林鳳於惠潮大破之覆其巢諸將椎羊酒相賀一鳳曰禍本猶在是且走海南諸國而伺我解謀之果走呂宋國於是以重

兵威之呂宋迫逐林鳳有所俘獲上獻因請得入貢比
於暹臘諸國臺下議一鳳曰不聞職方氏有呂宋也奈
何以小夷効小順戮我大鴻臚典臺曰當如何曰疆場
之利專之可也以臺勞取竊靡而已諸與議者咸服而
一鳳以功薄當上格詔賜白金一鎰孫崇禮進士為令

龍溪

書

程有守歙縣人由進士萬曆九年任泉州府同知涖官著

績甚得民心祀名宦

雍正志

王一言南城進士為吳江令以憫留民緩催科被謫起補

懷寧令萬曆十三年陞泉州府同知士民交慶曰是
嘗捐一官為黔黎請命者既至則沉毅敏達臨事善斷
而主之以慈祥惻怛視憫獨疲瘡煦煦然惟恐傷之獨
不為貴勢訛法常奉檄屢出行縣又再攝邑篆其要束
嚴飭科指不繁吏畏而民安之涖郡甫及期賢聲冠八
閩擢南京郎中去士大夫各賦詩歌贈行黃鳳翔為之

序

節回
亭草

楊一桂號丹崖清江人由舉人萬曆二十五年任泉州府
同知澡躬勵職佐郡長而時調劑之以法喻其胥吏困